

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In quâ tractatur de Augustissimo Eucharistiæ Sacramento, ac Sacrificio
Missæ, ...

Bosco, Jean a

Lovanii, 1667

Concl. III. Eucharistiæ dispensandæ officium non sic soli Sacerdoti Christus
commisit, ut dispensationem aliis committi prohibuerit. Quare Sacerdote
justâ de causa committente, potest illam ...

[urn:nbn:de:hbz:466:1-73377](#)

Etsiam Episcopos, nisi
à Superiori prohibeatur.

Inimo &
quilibet Pa-
stor.

20.

Lug.
An Sacer-
dos seipsum
communi-
cans ex li-
centia Pa-
storis id te-
cias ex offi-
cio?

21.

Quid si alii
minister ex
commissio-
ne?

Sed quero à Lugone: Episcopus sibi ipsi concedit indulgentiam, quam concedit suis subditis? Quis audeat negare? Episcopus se ipsum ligat propriis legibus? Affirmat communis sententia. Ergo similiter tamquam Pastor sibi ipsi potest ministrare Eucharistiam, nisi à superiori potestate prohibeatur. Vel ostendat Eminentissimus disparitatem.

Et nonne bonus Pastor est, qui seipso electo, solos pascit subditos? Et qui pastorem praeficit gregi, nonne & hoc factō gregem pacit? Si ergo Pastor, ut ibidem docet Cardinalis, potest eligere Sacerdotem, à quo accipiat Eucharistiam, qui eo ipso fit Pastor ipsius quoad illum actum ministrandi Sacramentum: si, inquam, potest sibi ipsi praeficerre Pastorem, quidna etiam circa seipsum munera Pastoris exercere, que non requirunt personalem distinctionem? Sine fundamento autem afferitur, quod ministratio Eucharistiae requirat personalem distinctionem, magis quam dispensatio, concessio indulgentiae, legislatio, & similes actus jurisdictionis voluntariae.

Si autem Pastor seipsum potest pascere auctoritate ordinariā, quidni & ovis seipsum potestate delegat? Quare non placet hac doctrina Lugonis, quam habet n. 32. Operaretur (Sacerdos seipsum administrans ex commissione Pastoris) sicut Diaconus, vel alias clericus inferior, vel etiam laicus, cui attentā praeceps institutione hujus Sacramenti, non repugnat, quod ex facultate aut iussu Sacerdotis Pastoris sui accepit ipse sibi ex sacrario Eucharistiam. Sic ergo Sacerdos in praedicto casu posset id facere ut instrumentum proprii Sacerdotis, Parochi, vel Praepositi sui, atque ideo tunc non operaretur ut Sacerdos, sed ut instrumentum & minister Sacerdotis, qui hoc modo diceretur pascere oves suam.

Sicut quando de facto Diaconus, & Subdiaconus ministrant summo Pontifici in Missa solemnē, & accipiunt sibi sanguinem ex calice, non agunt, nec recipiunt ut Sacerdotes (etiam si ipsi Sacerdotes plerumque sint) sed ut ministri, & instrumentum Sacerdotis Pontificis, qui eo modo dat illis Eucharistiam, & pascit illos, ut oves suas. Talis esset actio, quā Sacerdos extra Missam fumeret sibi Eucharistiam, deberet enim procedere ex voluntate sui Pastoris volentis illo modo pascere oves suam. Hacenus Eminentissimus.

A quo si peterem; an Sacerdos distribuens aliis Eucharistiam ex voluntate sui Pastoris, eodem modo operetur, sicut Diaconus, cui non repugnat (ut statim declaro) idem facere, quid putatis responsum? Sacerdos, inquit n. 14. etiam quando ex commissione alterius ministrat hoc Sacramentum alienis oviis, non id facit ut minister & famulus alterius; sed utitur potestate distribuendi sibi tradita in Ordinatione.

Sicut enim Sacerdos quando ex commissione alterius absolvit alienas oves, non absolvit, ut merus minister alterius, sed ex potestate accepta in Ordinatione, applicatā sibi materia. per hoc, quod aliena oves facta sunt oves ipsius quoad illum actum per voluntatem proprii Pastoris: sic Sacerdos dans Eucharistiam alienis oviis, utitur potestate sibi à Christo traditā, pascendo oves, quæ quoad illum actum factæ sunt oves ipsius à proprio Pastore; jam enim ex se habebat potestatem Ordinis, & erat consecratus Pastor, sed deerant illi oves, quæ datae sunt ei à Superiori; quare potest eas jam pascere, non ut famulus, sed ut Pastor ex officio.

Diaconus vero non ita se habet: non pascit Differen-
tia: inter Sacer-
dotem &
Diaconem
dico a
Dictione
Hoc illle.

Verissima responsio & manifesta differentia: sed quæ eodem modo applicari potest Sacerdoti, & Diacono, seipso communicantibus. Pro clariori autem intelligentia dico:

CONCLUSIO III.

Eucharistiae dispensandæ officium non sic soli Sacerdoti Christus commisit, ut dispensationem aliis committi prohibuerit. Quare Sacerdote justâ de causa committente, potest illam dispensare Diaconus.

I Ta exp̄s statuit Concilium Carthaginense I V. cap. 38. dicens: *Vt Diaconus presente Presbytero Eucharistiam Corporis Christi populo (si necessitas cogat) iussus eroge.* Quod decretum nupsiam inventio revocatum, tametsi non sit in usu; quia necessitas rarius occurrit propter multitudinem Sacerdotum.

Addunt aliqui Concilium Nicænum, relatum in principio Conclusionis secunda: sed illud solum loquitur de Diacono seipsum communicanturo in absentia Sacerdotis. Verum enim vero si seipsum possit communicare, nulla est ratio, quare ex commissione, si necessitas cogat, non possit etiam alterum.

Confirmatur ex antiqua praxi Ecclesie, quam significat Sanctus Laurentius loquens ad Sicut Sixtum Pontificem in hac verba: *Experientia nostrorum idemcum ministerium elegit, cui commissio facta est. Dominici Sanguinis dispensationem. Eiusque minister Clemens Rom. lib. 8. Constat. Apostolicarum cap. 28. alias 34. ibi: Diaconus non benedic, non dat benedictionem, accipit autem ab Episcopo,*

Episcopo, vel Presbitero: non baptizat, non offert,
offerente Episcopo, vel Presbitero, ipse dat po-
pulo non veluti Sacerdos, sed veluti ministrans Sa-
cerdoti.

Ubi cum Pontifex generaliter loquatur,
non distingens inter dationem Corporis, &
dationem Sanguinis, gratis aliqui afferunt. Dia-
conos ex officio potuisse dispensare Sanguinem;
Corporis autem ex sola commissione. Verius
ergo est neutrum ex officio seu proprio jure
posse, sed dumtaxat tamquam commissari, &
ut Clemens loquitur, tamquam ministri Sa-
cerdotis.

Unde Sacerdos comparari potest deconomus
domus, qui habet jus distribuendi bona Do-
mini; Diaconi autem servis & ministris, qui
bus utitur deconomus ad bona distribuenda.
Porro inter deconomum & servum non parva
reperitur differentia: si quidem Religiosus
hanc esse potest deconomus contra voluntati-
onem Praelati: sic enim uteretur iure aliquo cir-
ca res illas, quas distribueret, & exerceret
actum dominii, vel quasi dominii, dando &
transferendo jus in alios, cum tamen non repu-
gnet voto paupertatis nudum servitium, quod
praefaret apponendo v. g. cibos ex mandato
deconomus; quia apponens nullum praetendit
jus, neque operatus proprio nomine, sed tam-
quam inerum instrumentum, perinde si
actio illa fieret per amitem, vel infantem.

Dices primò: Diaconus potest habere juris-
dictionem requisitam ad ministrandum, v. g.
Diaconus, qui sit Episcopus electus, nondum
consecratus.

Respondeo: talis Diaconus etiam haberet
jurisdictionem absolvens à peccatis: num
ideo poterit ex officio absolvere? Minime;
quia non habet potestatem Ordinis. Ergo à
paritate rationis, talis Episcopus poterit qui-
dem Sacerdoti dare jurisdictionem ad mini-
strandam Eucharistiam sibi, & aliis (ut etiam
ad absolendum se & alios) & ab illo accipere
tunc commissionem ministrandi; verumtamen
nouquam ministrabit ut ordinarius, sed tan-
tum ut merum instrumentum alterius, defectu
scilicet potestatem Ordinis. Nam, ut expendi-
mus Conclusionem primā, nemo potest ex offi-
cio pascere, nisi sit Pastor; Diaconus autem
qui talis non est consecratus in Pastorem, sed
in ministrum Pastoris.

Dices secundò: ergo tunc aliter ministrat.
Diaconus, quam Subdiaconus, vel laicus, cui
illa distributio, etiam sine gravi peccato, se-
clusa prohibitione, committeretur. Enim
vero ex præcisa institutione hujus Sacramenti
non appet necssarium, ut Sacerdos Sacra-
mentum propriis manibus ori ingrat, vel im-
mediate apponat, aut certè det sumentibus
in manus; ut patet ex convivio corporali, in
quo id non est necssarium. Unde in primiti-
va Ecclesia singulis dabatur Eucharistia ser-

vanda in tempus opportunum, & tunc propriis
manibus ori ingerenda.

Nihilominus Respondeo: Diaconio ex sua
Ordinatione aliquid plus competere in hoc
ministerio, quam ceteris; non quod habeat ex
vi Ordinis sui potestatem distribuendi (sicut
habet potestatem baptizandi) aut proximam
capacitatem, ut illam recipiat (sicut Sacer-
dos habet capacitatem ut recipiat potestatem
confirmandi) sed quoniam peculiariter conser-
vatur in ministrum immediatum Sacerdotum;
adeoque ad servendum in rebus dignioribus,
inter quas præcipua est distributio Eucha-
ristia: Subdiaconus autem ordinatur ad mini-
strandum in aliis minus dignis. Quocirca
Diacono præ alis inferioribus Clericis in Or-
dinatione sua dicitur: Diaconum oportet ministrare
ad altare; utique immediatè ipsi Sacerdoti,
cum Subdiaconus & reliqui Clerici solum mi-
nistrent mediatae, ut patet considerant;

Ex quo oritur, quod minor causa requira-
tur, ut Sacerdos in distributione Eucha-
ristia uti possit opera Diaconi; quam Subdia-
coni, vel alterius Clerici inferioris, aut laici.
Minor, inquam, causa; quia semper aliqua est
necessaria, ut manifestè constat ex verbis Con-
cilii Carthaginensis suprà, & forte major ad
distributionem Corporis, propter immediatum
ejus contactum; quam Sanguinis, qui non
debet immediatè tangi;

Dico, forte; quia olim etiam laici viri Cor-
pus Christi tangebant nudis manibus. Inte-
rim credo tunc sepius dispensationem San-
guinis suisse communiam Diaconis; quam distri-
butionem Corporis, propter commoditatem
fidelium communicantium in utrèque specie,
quibus ordine Sacerdos communicabat Cor-
pus, Diaconus autem subsequens Sanguinem;
sicut modò minister ablutionem; ne alias du-
plici tempore & labore occuparetur Sacerdos,
sicut si ipse singulis per se daret quoque ablui-
tionem.

Ceterum sufficeret causa notabilis pruden-
ter dijudicanda, v. g. ex parte Sacerdotis in-
firmitas, occupatio in Confessionibus, aut
Concione &c. ex parte vero communican-
tium, impletio anni precepti, Jubilæum &c.
quando alius Sacerdos facile haberi non posset.
Quinimò

CONCLUSIO IV.

In extrema necessitate, si Sacerdos
non valeat, aut irrationabiliter
invitus non velit ministrare
Viaticum, poterit id facere
Diaconus, etiam sine manda-
dato